

PERTANYAAN

DARIPADA

KAWASAN

TARIKH

PERTANYAAN DEWAN RAKYAT

LISAN

TUAN HEE LOY SIAN

PETALING JAYA SELATAN 15 MAC 2016, SELASA

SOALAN:

YB. TUAN HEE LOY SIAN minta MENTERI KERJA RAYA

menyatakan:-

- (a) usaha Kerajaan untuk mengurangkan bilangan plaza tol terutama di kawasan Lembah Kelang sepertimana yang dijanjikan dalam manifesto BN dalam Pilihan Raya Umum ke 13; dan
- (a) langkah Kerajaan untuk mengurangkan kadar tol supaya tidak membebankan rakyat.

JAWAPAN:

Jawapan (a) dan (b):

Tuan Yang Di-Pertua;

Untuk makluman Ahli Yang Berhormat, Kerajaan sejak dari tahun 2008 telah mula berunding dengan syarikat-syarikat konsesi lebuhraya bagi mengurangkan beban kewangan tol yang ditanggung oleh pengguna.

Rundingan tersebut bertujuan mencari mekanisme terbaik bagi meringankan beban tol dengan mengambil kira pendekatan 'menang-menang' kepada semua pihak terlibat, iaitu Kerajaan, syarikat konsesi, pelabur dan juga pengguna. Sehingga kini antara hasil pencapaian dari rundingan tersebut ialah seperti berikut:

- Menanggukkan kenaikan kadar tol di lebuhraya negara ini sejak 8 tahun yang lalu, iaitu dari tahun 2008 hingga 14 Oktober 2015;
- Memansuhkan kutipan tol dan menutup lebih awal 8 plaza tol di lebuhraya;
- Mengurangkan kadar tol melibatkan 3 konsesi lebuhraya;
- Menstrukturkan semula kadar tol untuk lebuhraya-lebuhraya di bawah konsesi PLUS Malaysia Berhad dan Kumpulan ANIH Berhad; dan
- Menambah baik klausa-klausa dalam perjanjian konsesi, termasuk memperuntukkan klausa Mekanisme Semakan Semula Tol - iaitu kenaikan kadar tol tidak lagi dibenarkan secara automatik.

Untuk makluman Ahli Yang Berhormat, Manifesto Barisan Nasional dalam Pilihan Raya Umum Ke-13 lalu ialah membabitkan aku janji untuk tidak menaikkan kadar tol lebuhraya antara bandar untuk tempoh 5 tahun (2013 - 2018). Ia merujuk kepada Lebuhraya Utara Selatan (PLUS) dan Lebuhraya Pantai Timur (LPT) sahaja. Oleh itu cadangan mengurangkan bilangan plaza tol di Lembah Klang bukan termasuk dalam Manifesto Barisan Nasional dalam Pilihan Raya Umum Ke-13.

Sekian. Terima kasih.

